

ՆԵՐՔԻՆ ՀԱՏԿԱՆԻՇՆԵՐԻ ՀԵՏ ԿԱՊԿՈՂ
ՄԱԿԱՆԿԱՆԱԿԱՆ ՀԻՄՔԵՐՈՎ ԱԶԳԱՆՈՒՆՆԵՐԻ
ԻՄԱՍՏԱԲԱՆՈՒԹՅՈՒՆԸ

Հատուկ անունների համակարգում առանձին խումբ են կազմում մարդանունները, ուր զանազանում են բուն անձի անուն, ազգանուն, հայրանուն, կեղծանուն, մականուն և այլն:

Հայերի անվանման բանաձևը, անցնելով ձևավորման բուռն գործընթաց, XIX դարի կեսերից իրմեջ ներառում է ազգանունը՝ որպես անձնանվանական երևույթ: Այն հայկական անձնանվանական եռաբաղադրիչ բանաձևի իրավական արժեք ունեցող հիմնական միավորներից մեկն է: Հայկական ազգանունը սահմանվում է իբրև արական արեմակցական կապով միավորված մարդկանց ընդհանուր անուն: Ազգանունը անձի անհատականացման լեզվական արտահայտության կարևոր միջոց է: Այն տիպաբանորեն խիստ ինքնատիպ է: Անձնանվանական բանաձևի վերջին բաղադրիչի՝ ազգանվան կազմության մեջ, ի թիվս մյուս աղբյուրների (անձնանունների, տեղանունների, արհեստ, զբաղմունք ցույց տվող բառերի), նշանակալից են եղել բուն մականունով հիմքերը՝ Կոլյան «կարծ, փոքրամարմին», Ասլանջանյան բառաց. «առյուծանման», փխբ. «ուժեղ, հզոր», Խոչախյան «քաջ, ճարպիկ», Թաջբափուլյան «դաժան, չար» և այլն:

Մականունը տրվում է անհատին կյանքի այս կամ այն փուլում, ըստ նրա որևէ հատկանիշի, որով նա հայտնի է ներփակ միջավայրում: Ի սկզբանե մականուն բաղադրիչը՝ որպես անձի անհատականացման միջոց, անհատի անվանը ուղեկցող միավոր էր: Մեր էպոսը ասվածի լավագույն պապացույցներն է տալիս՝ Առյուծաձև Միեր, Չենով Օհան, Սասունցի Դավիթ:

Եթե արևմտահայերենում մականուն եզրույթը հստակ սահմաններ ունի և նույնանում է արևելահայերեն ազգանուն եզրույթի հետ, ապա արևելահայերենում նշանակում է այն ամենը, ինչ դրվում է անձնանվան վրա՝ բացառալ ազգանունը: Իմաստային առումով մականուն ազգանվանական այս շերտը չափազանց տարողունակ է: Մականվանը հատուկ է արտաքին ու ներքին գնահատականը: Ներքին հատկանիշների հետ կապվող մականվանական հիմքերը մեծաքանակ են ու բազմազան: Տարօրինակ ոչինչ չկա, քանի որ համայնքում, հասարակության մեջ անհատի ներքին հատկանիշները շատ

ավելի կարևոր են համակեցությունը ապահովելու, մյուսների հետ առնչություններ իրականացնելու համար, քան արտաքին հատկանիշները, որոնք, ի վերջո, շատ ավելի դյուրին է նկատել և, ըստ այդմ, տարբերակել մարդուն: Այս կամ այն արտաքին հատկանիշ կամ ֆիզիկական թերություն ունենալն այնքան վճռորոշ չէ անձի հասարակության հետ հարաբերության համար, որքան ներքինը:

Այս հոդվածում քննվում է ներքին հատկանիշների հետ կապվող դրական երանգներով մականուն ազգանվանական հիմքերը:

Դրական երանգներով հիմքեր

Բնավորության գծեր և այլ հատկանիշներ

Թողալաք (թրք.) «իսկական», «բնական», «սովորական»+յան, Թուրֆուտ (թրք.) «զգայուն», «կարեկից» + յան, Իշաթոջ(թրք.) «հանդարտ», «մեղմ»+յան, Սահչուկ(թրք.) «զուսպ», «քաշված»+յան, Չայիդջ(ա) (թրք.) «գործունյա», «ջանադիր»+յան, Սկլվեր(թրք.) համեստ», «ամոթխած», «ամաչկոտ»+յան, Քարշաֆջ(ա) (թրք.) «շարժուն», «նախաձեռնող» + յան, Գեու (թրք.) «առատաձեռն», «շռայլ», «ծախսող», «մսխող»+յան, Թաբիինջ (թրք.) «զգայուն», «կարեկից», «սոսկալորվող»+յան, Թունդա(թրք.) «անձայն», «հանդարտ», «մեղմ»+յան, Փերջեբեր (թրք.) «բարեհոգի», «բարեհամբույր», «բարյացկամ» +յան, Զուսսեկ(թրք.) «աչքիլույս», «թանկագին», «թանկ» + յան, Գուրջլեկ և Յուլյեմեզ (թրք.) «փորձառու», «հմուտ», «վարժ», «լավատեղյակ»+յան, Թոշաուշ (թրք.) «բարեբախտ», «երջանիկ»+յան, Դանջի (թրք.) «գիտակ», «բանիմաց», «տեղյակ»+յան, Դեզումեն (թրք.) «արժանի», «արժանավոր», «տեղյակ» +յան, Դոլպաշ (թրք. բառաց.) «լիքըզլիտվ, գլուխը լիքը», (փխբ.) «խելացի», «բանիմաց»+յան:

Այս խումբը աչքի է ընկնում առաջին հերթին հոմանիշների առատությամբ, որոնք ներկայացնում են մարդկային բարձր և միշտ գնահատվող հատկանիշներ՝ զգայուն, կարեկից, զուսպ, ջանադիր և գործունյա, համեստ, ամաչկոտ, ամոթխած, նախաձեռնող, առատաձեռն ու շռայլ, կարեկից, այլոց վիճակի մեջ մտնող, հանդարտ, մեղմ, շարժուն, անհանգիստ, ժիր, ճարպիկ, բարեհոգի, բարյացկամ, բարեհամբույր, թանկագին, աչքի լույս, հմուտ, փորձառու, խելացի, բանիմաց, բարեբախտ:

Համարձակ, քաջ, անվախ, արագաշարժ

Հերթուլ, Դեկ, Զյոթջա, Յըլմազ (թրք.) «խիզախ», «անվախ», «քաջ», «անձնուրաց», «խեղ»+յան, Զոչուդզ «քաջ»+յան, Գիլիզ, Չարկու, Չուստոտ (թրք.) «ճարպիկ», «ժիր», «արագաշարժ»+յան, վերջինից (ի.թրք.) «չուստ» «արագ», Չև (թրք. բառաց.) «սնդիկ», (փխբ.) «շարժուն», «անհանգիստ», «արագաշարժ»

«+յան, երբաղ(թրք.) «տղամարդավարի», «քաջ», «ուժեղ»+յան, Գյորքմազ/ Գորքմազ/ Կորիսմազ (թրք.) «անվախ», «համարձակ», «քաջ»+յան, Ղոչախ, Կոլմեզ, Ղահրաման, Պեժիկ, Չալախար, Քոլո (թրք.) «արագաշարժ», «արագաքայլ», «թեթևաշարժ» +յան, Գավաջ, Չիլիկ, Աթաղլի, Ալագուլ (թրք.) «համարձակ», «անվախ», «քաջ», նույնիսկ «տարօրինակ», «անսովոր»+յան:

Արախոս, կատակաբան, կատակասեր, զվարճախոս

Չնայած իր փոքրաթիվությանը, այս իմաստի դրսևորումները հաճախական են և շատ նշանակալից, քանի որ ստորև բերվող հատկանիշներով օժտվածները ցանկացած համայնքում, նույնիսկ մարդկանց շրջապատում միշտ ուշադրության կենտրոնում են եղել և ցանկալի.

Դրովսակ, Շախճ(ի)(թրք.) «կատակաբան», «կատակասեր» +յան, Քեվլեթեն «ուրախացնող», «զվարճացնող»+յան, Տնգոզ (թրք.) «տրամադրությունը բարձր» + յան, Շատան(պրսկ.) «ուրախ»+յան, Ջումբուշ(թրք.) «զվարթ» +յան, Սաքբազար+յան և Շաքիլավ «սրտաբաց», «անկեղծ», «ուրախամիտ», «ուրախ», «զվարթ» + յան, Սենթենթ, Պերդուտ «երջանիկ», «զվարճախոս» +յան, Ջենիշք(ա), Սարագ+յան:

Արդարամիտ, ուղղամիտ, ուղղախոս, ազնիվ, անկեղծ

Դատաստան+յան, Դուզմակատ, Սալուտ «ծակատին, երեսինասող», «ազնիվ»+յան, Սանալ(թրք.) «ազնիվ», «հարգանք վայելող»+յան, Դորբ (ռուս.) «բարի», «ուղղամիտ», «ուղղախոս», «անկեղծ» +յան:

Չափավորություն, ներողամտություն, հոգատարություն, բարեհոգություն

Փեհրիզ (պրսկ.-թրք.) «չափավոր» +յան, Լաիշ (թրք.) «ներողամիտ» +յան, Խուրման(թրք.) «հեզաբարո»+յան, Հրեշտակ+յան, Մարմանդ+յան, Սիամիտ+յան, Էզլք(ա) «հեզ», «խոնարհվող»+յան, Հարմար, Ղաբուլ «հարմարվող»+յան, Ղավբան(թրք.) «ըմբռնող», «վիճակիմեջնտնող», +յան, Գենշեր (թրք.) «բարեհոգի», «մոծահոգի» +յան, Հոգտանյան/ Հոգետունյան: Մեր կարծիքով երկրորդը՝ Հոգտանյանի տարբերակն է, և առկա է բաղարկությունը հոգի և տուն բառերի հետ:

Մարդկային այլ բարեմասնություններ

Բունդարք(ա) (թրք.) «ժամանակին և տեղին օգնության հասնող» + յան, Հախպանք(ա)(թրք.) «արդարամիտ»+յան, Գործուն+յան, Ճարպիկ+յան, Ճարտար+յան, Աղեկ+յան, Գլուխ+յան, Հասուն+յան, Ջուգատար(արաբ.-պրսկ.) «խելացի» +յան, Գաֆալ, Գաֆալմազ(թրք.) «անհոգ», «անուշադիր», «կարճատաժող» +յան, Աղիլան(թրք.) «խոհեմ», «ողջամիտ»+յան, Ուղուբ (թրք.) «խելահաս», «խելամիտ», «ընդունակ»+յան, Ղալմուխ (թրք.) «խելացի», «հասուն», «ընդունակ», «զխոյ» + յան, Դսնք(ի) և Դուբաջ (թրք.) «բանիմաց», «խելացի»+յան,

Ֆիթոնոլ և Ղափբան(թրք.) «ըմբռնող», «խելահաս»+յան, Գուրջլեկ և Դերտեմ (թրք.) «բարեկիրթ», «ազնվաբարո» +յան, Դերտեզ (թրք.) «անսխալական» +յան, Կանգուն+յան, Շրիզ (թրք.) «քաղցրալեզու»+յան, Գանիմ (թրք.) «իր կարծիքն ունեցող», «համոզված» +յան, Դաթուք (թրք.) «հնարամիտ»+յան, Լեմբերեք և Ֆետվաչ (թրք.) «անվանի», «հեղինակավոր», «համբավավոր», «հանրահայտ», «ազդեցիկ» +յան, ԳերակետևԲեքիթ (թրք.) «պիտանի», «ամիրաժեշտ», «օգտակար» +յան, Յաշյեմեզ (թրք.) «տարեց», «փորձառու» +յան: Նկատելի է, որ այս խմբի մականունները բավականին լայն ընդգրկում ունեն օգնության հասնող, արդարամիտ, կարճ մտածող, անուշադիր, խոհեմ, ողջամիտ, խելահաս, խելացի, ընդունակ, հասուն, ըմբռնող, բարեկիրթ, իր կարծիքն ունեցող, ազդեցիկ, հանրահայտ, պիտանի, տարեց, փորձառու:

Աչքի է ընկնում նաև զուտ հայկական դրսևորումների հարաբերական առատությունը՝ գործուն, ճարպիկ, ճարտար, աղեկ, հասուն:

Առանձնանում են կենդանանուններով կազմված մականուն ազգանվանական հիմքերը, որոնք զուտ փոխաբերական իմաստների կրողներ են և ունեն «նման» ընդհանուր իմաստը:

Դուդաբաշ և Ֆերակ (թրք.) «թութականման», «կակազ» +յան, Լեբեզ (թրք.) «մշկայծյամանման»+յան, Կուկուշ (թրք.) «կկվանման» +յան, Զաֆեր/Զաֆար (թրք.) «նապաստականման»+յան, Զաբիր/Զիրչոտ (թրք.) «կաշաղականման», (փխբ.) «շատախոս»+յան, Սարալչ(ա) (թրք.) «եղնիկանման» +յան, Սոժակ, Ուվեզ, Յուվեզ, Զիրին (թրք. «մոծականման», «մժեղանման»+յան, ԳոմշոևՍանդա(թրք.) «գոմշանման», «ցլանման»+յան, Նսնս(թրք.) «մարդանմանկապիկ» +յան, Սրբ + ունց, Գել/Գիլ + ունց, Աղվես +յան, Թուրդուշ (փոքրիկթռչուն, որի հայտնվում է թութի հասունացմանը ջանում) +յան, Եղնուկ +յան, Շնճղուկ +յան, Ծտ «փոքրամարմին» +յան, Ծիտ են կոչում նաև փոքրագլուխ մարդկանց, Ցեց «անհանգիստ»+յան, Դուբիզ (թրք. բառաց.) «զառուուկ», (փխբ.) «մեղմ», «համեստ», «համբերատար»+յան, Աոյուծ +յանց, Գառնիկ +յան Այստեղ ևս թուրքերենի հետ երևում են նաև հայկական դրսևորումներ Սոժակ, Գոմշո, Սրբ, Գել/Գիլ, Աղվես, Թուրդուշ, Ծիտ, Աոյուծ:

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Տ. Ավետիսյան, Հայկական ազգանուն, Հայկ. ՍՍՀ ԳԱ հրատ., Երևան, 1987, 321էջ:
2. Տ. Ավետիսյան, Հայոց ազգանունների բառարան, «Կան Արյան» հր., Ե., 2010, 388էջ:

Semantic Study of Nickname-Based Family Names Related to Inward Features

Anthroponyms form a separate group within the system of proper names with the further subdivision into first/last names, pennames, nicknames, etc. In the formation of the last component of the proper name formula, namely the family name, great was the significance of nickname bases besides other sources (such as toponyms or words denoting occupation).

There are many various nickname-based family names related to inward features.

Inward features of a person play a far more important part in communicating within other community and society members than the outward features which are easily recognized. An outward physical drawback is no obstacle to communication whereas an inward drawback may have a detrimental effect. The present paper investigates the nickname-based family names with a positive connotation.